



## Hasmah rasmi Wisma Pandu Puteri

■ ISTERI Perdana Menteri, Datin Seri Dr. Siti Hasmah (gambar atas) memasukkan sumbangannya ke dalam tabung derma Persatuan Pandu Puteri Pulau Pinang di perkarangan bangunan baru persatuan itu di Pulau Pinang kelmarin.

Bangunan baru Persatuan Pandu Puteri itu diberi nama Wisma Pandu Puteri menelan belanja \$500,000.

Dalam ucapannya di majlis perasmian bangunan tersebut, Datin Sri Dr. Siti Hasmah menyeru para pemimpin Persatuan Pandu Puteri memainkan peranan penting dalam membentuk masyarakat yang sihat

dan berdisiplin.

Beliu selaku pengerusi persatuan itu berkata, dalam usaha meningkatkan mutu pergerakan itu, para pemimpinnya perlu sentiasa bekerjasama dengan kerajaan untuk membina masyarakat yang bersepadu.

Datin Seri Dr. Siti Hasmah berkata, Pergerakan Pandu Puteri merupakan satu aktiviti yang boleh memupuk persefahaman dan kerjasama di kalangan kanak-kanak dari berbagai kaum.

"Pergerakan ini patut diberi sokongan sepenuhnya oleh semua

golongan masyarakat," katanya.

Isteri Perdana Menteri itu menambah, melalui Pergerakan Pandu Puteri, kanak-kanak akan terlibat dalam kerja-kerja kemasyarakatan dan kebajikan yang berfaedah serta menghabiskan masa mereka dengan baik.

Turut hadir di majlis perasmian itu ialah isteri Yang di-Pertua Negeri yang juga penaseh Persatuan Pandu Puteri Negeri, Datin Khatijah binti Datuk Abdul Rahman, isteri Ketua Menteri, Puan Lim Chong Eu dan Pesuruhjaya Pandu Puteri Malaysia, Hajjah Hendon binti Haji Din.